

No.J.12019/22/2020-DC(KZL)
OFFICE OF THE DEPUTY COMMISSIONER
KHAWZAWL DISTRICT : KHAWZAWL

Khawzawl, the 18th November, 2020

ORDER

Mizoram Sawrkarin Order No.B.13021/101/2020-DMR/Vol-II dated 18.11.2020 hmanga "Covid-19 No Tolerance Drive" inkaihhraina a tihdanglamte chu a hnuaia mi ang hian Khawzawl District-ah pawh hman tur a ni:

1. Loh theih loh thila mipui punkhawm a tul a nih chuan Deputy Commissioner, Khawzawl District hnenah ziaka dilna thehluh tur a ni a. Mipui punkhawm thei zat chu punkhawmna tur hmuna leng zat 50% emaw, mi 35 emaw, a tlem zawk zawk a ni ang.

Entirna:

- i) Punkhawmna tur hmunah mi 100 leng thei se, leng zat 50% chu mi 50 an lo ni a. Hei hi 35 aia a tam avangin, punkhawm thei zat chu mi 35 an ni ang.
 - ii) Punkhawmna tur hmunah mi 50 leng thei se, leng zat 50% chu mi 25 an lo ni a. Hei hi 35 aia a tlem avangin punkhawm thei zat chu mi 25 an ni ang.
2. Thil pawimawh bik vanga sawrkar/ sakhuaana thila mipui punkhawm a tul a nih chuan Deputy Commissioner, Khawzawl District hnenah ziaka dilna thehluh tur a ni a. Mipui punkhawm thei zat chu punkhawmna tur hmuna leng zat 50% emaw, mi 100 emaw, a tlem zawk zawk a ni ang.
 3. Mipui punkhawm tur zat sawite hian ei/in siamtu, usher leh program hlawhtlin theih nana tawiawmtu/chhawrte zawng zawng a huam a ni.
 4. Khawzawl District chhunga punkhawm phalna pek leh pek loh chu Deputy Commissioner, Khawzawl District thutlukna a ni ang a. Deputy Commissioner in **special permission** a pek dawn chuan SOP zawm chungchangah Magistrate emaw Health Department thuneitute kaltlangin ruahmanna siam thin a ni ang.
 5. Mipui punkhawmna hmunah *social distancing* dan zamte zawm tlat tur a ni a. COVID-19 inkaidarh a nih loh nana inkaihhraina (SOP) siam chu thiltel a ni.

Sd/- ZOTHANMAWIA

Deputy Commissioner

&

Chairperson

District Disaster Management Authority
Khawzawl District, Khawzawl

Memo No.J.12019/22/2020-DC(KZL) : Khawzawl, the 18th November, 2020

Copy to:

1. PS to Deputy Chief Minister, Mizoram.
2. Secretary, Government of Mizoram, DM&R/Home Department.
3. Superintendent of Police, Khawzawl District for information.
4. All Zone Leaders, Covid-19 Executive Duty, Khawzawl District.
5. All Chairmen, VLTF within Khawzawl District.
6. Editors, Khawzawl Times and Si-Ar Daily newspapers for favour of wide publicity.
7. Website Manager, Khawzawl DC's office for uploading to website.
8. Office copy


Deputy Commissioner 16.11.20

&

Chairperson

District Disaster Management Authority
@ Khawzawl District, Khawzawl

MIPUI PUNKHAWMNA HMUN-A COVID-19 INKAIDARH A NIH LOH NANA INVENNA ATANA ZAWM TUR KAIHHRUAINA (SOP)

1. Thlirna

Inneihna, pawl thila inhmuhkhawmna, Pathian biao inkhawmna leh mipui punkhawmna *function* neihna hmunahte hian Covid-19 inkaidarh a nih loh nan social distancing leh invenna dangte ken kawh a tul tak zet a ni.

2. A huam chin

He kaihhruaina hian hmun thenkhata Covid-19 darh tur ven nana kalphung siam bik bakah vantlang zawm tura duante a pho chhuak a ni.

3. Mipui vantlangin an zawm tur invenna te

Kum 65 chunglam, *comorbidity* (natna khirh/ inkai chhawn awl pakhat aia tam vei kawp) nei te, nau pai lai te leh naupang kum 10 hnuai lam te chu tul bik thil leh hriselna chungchang vanga chhuah ngai a nih loh chuan ina awm tura thurawn an ni a, a theih chin chinah hetiang mipui punkhawmnaah hian tel ve loh tur a ni. Hei hi sakhaw biakna hmun enkawltute hrilhriat tur a ni.

4. Mipui punkhawmna hmunahte hian heng inkaihhruaina dante hi lekkawh tur

- i. A luhnaah kut tih faina (*sanitizer dispenser*) leh khawsik enna dah ngei ngei tur a ni.
- ii. Natna kai awma lang lote chauh luhtir tur a ni.
- iii. *Face mask* vuahte chauh luhtir tur a ni.
- iv. COVID-19 laka him theihna tura siam *poster/ standee/ AV media*-te chu langsar deuha tar lan tur.
- v. A theih chin chinah kal khawmte chu then darh tur.
- vi. Motor *park*-na leh punkhawmna hmun/sakhaw biakna hmun/hall adt. kawtah te mipui che vel mumal taka kaihhruai tur a ni a, *social distancing* dan zam te an zawm vek tur a ni.
- vii. Ei/in tur siam emaw sem emaw a ngai a nih chuan a theih chin chinah mimal ei tur pack fel se thlapa sem tur a ni a, *plate/no/fian* adt. intawm tura ruahman loh tur. Tin, ei/in siam lai leh ei/in lain engtik lai pawhin *social distancing* dan zamte zawm tur a ni.
- viii. *Social distancing* vawn that a nih theih nan punkhawmna hmun/sakhaw biakna hmun/hall adt. chhehvelah intlar a ngaih chuan dan anga ruahman sa dinna tur bik chhinchhiaha siam then tur a ni.
- ix. A hrana luhna leh chhuahna siam tur a ni.

- x. Punkhawmna hmun/Sakhaw biakna hmun/hall adt. Luh dawnah a tlem berah feet 6 aia hnai lova indawta intlar thin tur a ni.
- xi. Punkhawmna hmun/Sakhaw biakna hmun/hall adt. Luh dawnah an kut leh ke (pheikhawk phelh a ngai a nih chuan) te fai takin an sil tur a ni.
- xii. Social distancing vawn that a nih theih dan ber turin thut dan ruahman tur a ni.
- xiii. *Air-conditioning/ ventilation* hman a nih chuan CPWD kaihhruaina siamte zawm tur a ni. Chu kaihhruaina chuan, “*Air conditioning khawlte temperature* chu 24°-30°C a ni tur a ni a, *relative humidity* chu 40-70% a ni tur a ni,” a ti a; **“Boruak thianghlim lut chu a tam thei ang ber a ni tur a nih bakah cross ventilation pawh thahnem tawk tak a awm tur a ni,”** tiin a sawi bawk.
- xiv. Punkhawmna hmun/Sakhaw biakna hmun chung leh a chhehvela lehkhabu, milim, lehkhabu thianghlim adt. chu khawih loh tur a ni.
- xv. Hmun khata mipui tam tak inhawr khawm khap tur a ni.
- xvi. Inkaichhawn a awm zel loh nan hla sak leh zaipawl zaite phal a ni lo va; amaherawhchu, hla emaw rimawi thun sa (*pre-recorded*) te chu tih rik phal a ni thung ang.
- xvii. Taksa insia chibai inbuk loh tur.
- xviii. Pathian biakna hmuna thingthi-a jawngtai hunin mahni jawngtai nan mahni pher/ puan ken theuh tur a ni a, hawn leh zel tur a ni a. Midang nena intawm loh tur a ni.
- xix. Coupon leh pawisa inhlan bakah sakhuana hmuna thilpek inhlan leh puithiam/ rawngbawltute hnen atanga thilpek dawn, entir nan prasad sem/ tui thianghlim sem adt. ang chite tih loh tur a ni.
- xx. Heng hmunah te hian a bikin hrisel nana invawn thianghlim hna (*sanitation*)-te uluk leh ngun lehzual zawka thawh thin tur - inthiarna, tui inna leh kut/ ke silna hmunahte.
- xxi. Punkhawmna hmun/Sakhaw biakna hmun/hall adt. leh a chhehvelte chu zing taka tihfai leh thenfai hna thawh tur a ni.
- xxii. Punkhawmna hmun/Sakhaw biakna hmun/hall adt. chhuate chu vawi tam tak tihfai thin tur a ni.
- xxiii. Mipui pungkawm leh a hmun enkawlte hman hnu *face mask* leh kutkawr te chu fimkhur taka tihral tur a ni.